



## **KENYATAAN MEDIA**

### **PEMAKLUMAN OPERASI MAHKAMAH SYARIAH NEGERI SELANGOR PASCA PERINTAH KAWALAN PERGERAKAN BERSYARAT (PKPB)**

**SHAH ALAM, 9 Jun 2020**

Jabatan Kehakiman Syariah Selangor (JAKESS) akan membuka perkhidmatan pemfailan dan pendengaran bagi semua kes kepada orang ramai bermula pada 10 Jun 2020 setelah beroperasi secara berperingkat sejak 4 Mei 2020 susulan Perintah Kawalan Pergerakan Bersyarat (PKPB) yang diumumkan YAB Perdana Menteri pada 1 Mei 2020.

Walau bagaimanapun, bagi memastikan operasi mahkamah digerakkan selaras dengan garis panduan yang dikeluarkan oleh Majlis Keselamatan Negara dan Kementerian Kesihatan Malaysia, operasi Mahkamah Syariah Negeri Selangor sepanjang tempoh Perintah Kawalan Pergerakan Pemulihan (PKPP) adalah seperti berikut:

- a) Bagi memastikan penjarakan sosial dapat dikekalkan di dalam premis Mahkamah Syariah seluruh Selangor, penjadualan semula prosiding kes akan dibuat bagi kes-kes yang telah didaftarkan sebelum ini. Para pelanggan diminta menyemak status kes mereka melalui <https://bit.ly/3aSJj7> atau portal E-Syariah <http://www.esyariah.gov.my>
- b) Bagi kes-kes yang tiada dalam senarai semakan, pelanggan akan dimaklumkan tarikh tangguhan baharu oleh Mahkamah melalui notis tangguhan secara bertulis atau sms.
- c) Perkhidmatan membaca wakalah bagi pelantikan peguam Syarie dan ikrar affidavit bagi kes-kes yang diwakili oleh peguam boleh dibuat melalui sidang video.
- d) Prosiding perbicaraan dan Majlis Sulh boleh dibuat melalui sidang video tetapi atas permohonan dan dengan persetujuan bertulis daripada pihak Plaintiff/Pemohon dan pihak Defendan/Responden bagi kes tersebut.

- e) Urusan pengambilan perintah bertulis bermeterai hanya boleh dibuat setelah permohonan dikemukakan melalui <https://bit.ly/3aSJj7> atau melalui laman sesawang JAKESS di [www.jakess.gov.my](http://www.jakess.gov.my)
- f) Perkhidmatan runding cara dibuat secara dalam talian melalui panggilan telefon. Pelanggan tidak perlu hadir ke Mahkamah sebaliknya pertanyaan boleh dibuat dengan menghubungi Mahkamah yang berkaitan bagi mendapatkan khidmat runding cara.
- g) Borang bercetak tidak lagi disediakan di kaunter Mahkamah. Sebaliknya, para pelanggan hanya perlu memuat turun sendiri borang yang diperlukan daripada laman sesawang JAKESS di [www.jakess.gov.my](http://www.jakess.gov.my).
- h) Sebelum hadir di Mahkamah bagi tujuan untuk memfailkan kes, para pelanggan hendaklah memastikan semua borang yang berkaitan dilengkapkan dengan sempurna dan bertaip berserta dengan segala dokumen yang diperlukan seperti yang disenaraikan dalam senarai semak setiap borang.

Operasi perkhidmatan kaunter JAKESS adalah seperti berikut:

**a. Isnin hingga Khamis**

Waktu Operasi Kaunter

Sesi 1 : (8.00 pagi –1.00 petang)  
 Sesi 2 : (2.00 petang – 4.30 petang)  
 Waktu Rehat : (1.00 petang- 2.00 petang)

Waktu Pendaftaran & Pembayaran

Sesi 1 : (8.00 pagi –1.00 petang)  
 Sesi 2 : (2.00 petang – 3.00 petang)  
 Waktu Rehat : (1.00 petang- 2.00 petang)

**b. Jumaat**

Waktu Operasi Kaunter

Sesi 1 : (8.00 pagi –12.15 tengahari)  
 Sesi 2 : (2.45 petang – 4.30 petang)  
 Waktu Rehat : (12.15 tengahari - 2.45 petang)

Waktu Pendaftaran & Pembayaran

Sesi 1 : (8.00 pagi –11.30 pagi)  
 Sesi 2 : (2.45 petang – 3.00 petang)  
 Waktu Rehat : (12.15 tengahari - 2.45 petang)

Sebagai langkah kawalan dan pencegahan, semua pelanggan yang hadir di Mahkamah dikehendaki memakai pelitup muka (*face mask*), diwajibkan melalui saringan kesihatan dengan mengimbas suhu badan di laluan masuk yang ditetapkan, mengimbas “QR Code” yang diletakkan di pintu masuk Mahkamah Syariah seluruh Selangor dengan menggunakan telefon bimbit masing-masing, memastikan penjarakan sosial dilaksanakan dan langkah-langkah lain yang telah ditetapkan oleh Kementerian Kesihatan Malaysia.

Hanya pelanggan yang mempunyai urusan sahaja yang akan dibenarkan masuk ke dalam premis Mahkamah Syariah seluruh Selangor dan kanak-kanak sama sekali tidak dibenarkan masuk semasa berurusan di Mahkamah Syariah Selangor.

Pelanggan yang menghadapi masalah kesihatan dinasihatkan untuk menangguhkan hasrat untuk hadir ke Mahkamah sehingga benar-benar sembuh.

Bagi mengetahui perincian prosedur operasi seragam JAKESS, rujuk Garis Panduan Operasi Jabatan Kehakiman Syariah Selangor Sepanjang Tempoh Perintah Kawalan Pergerakan Pemulihan (PKPP) di Laman sesawang JAKESS.

Sebarang pertanyaan boleh dibuat dengan menghubungi talian telefon premis Mahkamah Syariah Negeri Selangor yang berkaitan seperti yang tertera di laman sesawang JAKESS [www.jakess.gov.my](http://www.jakess.gov.my).

**Dikeluarkan oleh:**  
**Unit Komunikasi Korporat**  
**Jabatan Kehakiman Syariah Selangor**